

Sakspapir

Sakshandsamar	Arkiv	ArkivsakID
Alf Magnar Strand	FA - A20, TI - &34	17/960

Saknr	Utval	Type	Dato
030/2018	Formannskapet	PS	24.04.2018
011/2018	Kommunestyret	PS	03.05.2018

Kvalitetsmelding for skule og barnehage 2017-18

Vedlegg:

Journalposttittel

Kvalitetsmelding for barnehage og skule i Masfjorden 2018

Dato

03.04.2018

Rådmannen sitt framlegg til vedtak:

Kommunestyret har gjort seg kjend med kvalitetsmeldinga for barnehage og grunnskule i Masfjorden for skule- og barnehageåret 2017-18 og tek meldinga til orientering.

Saksopplysningar:

Bakgrunn

Masfjorden kommune er med på KS-satsinga «Den gode barnehage- og skuleeigar». Satsinga går over 2 år og skal avsluttast i 2019. Vårt utviklingsområde er å laga ei kvalitetsmelding som skal innehalda vesentleg informasjon om kvaliteten i barnehage og skule.

Det er fastsett i Opplæringslova at skuleeigar pliktar å utarbeida ein årleg rapport om tilstanden i opplæringa. Rapporten skal omhandla læringsresultat, fråfall og læringsmiljø. Den årlege rapporten skal drøftst av skuleeigaren, dvs. kommunestyret. (Opplæringslova § 13-10). Tilsvarande krav finst ikkje for barnehage, men me har som mål at barnehageeigar skal få eit betre oversyn over korleis ein arbeider i barnehagen.

Fakta

Tala som gjeld skule er henta frå dei offentleg tilgjengelege statistikkane som finst i www.skoleporten.no og som byggjer på innrapporterte tal frå skulane, kommunane og fylkesmannen. Elevane sitt syn på læringsmiljøet kjem fram i elevundersøkelsen. Tala for fråfall i vidaregåande skule er henta frå statistikk som Hordaland fylkeskommune har utarbeidd.

På barnehageområdet finst det mykje mindre statistikk enn på skulefeltet. Difor har me sjølve måtta bestemma oss for kva opplysningar me vil ha med. Noko statistikk finst i årsmeldinga som blir levert til Fylkesmannen 15. desember kvart år og som er grunnlaget for dei opplysningane me finn i barnehagefakta.no

Vurdering

Rådmannen sine vurderingar kjem fram i tilknytning til kvart punkt i meldinga der det er naturleg. Kommunestyret må òg seia noko om kvalitetsmeldinga har rett form og innhald. Er det dette kommunestyret vil vita noko om? Er det andre opplysningar som burde vore med? Er det lett nok å finna fram i meldinga? Eit spørsmål som har vore drøfta i arbeidsgruppa, er om me skal ha meir eller mindre statistikk og kva form statistikken skal ha. Me bør ha i mente at dette er fyrste gongen me lagar ei slik melding, og at korkje form eller innhald er fastlåst. Rådmannen reknar difor med at kommunestyret har meiningar om både omfang, innhald og utforming av meldinga og synspunkt på korleis ein ønskjer at meldinga skal sjå ut seinare år. Det vil òg vera interessant å høyra korleis kommunestyret ser på ordelings mellom barnehage og skule i meldinga.

Konklusjon

Sjå framlegg til vedtak

Formannskapet - 030/2018

FS - behandling:

Oppvekstleiar Alf Strand møtte til denne saka og svara på spørsmål.

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Kommunestyret har gjort seg kjend med kvalitetsmeldinga for barnehage og grunnskule i Masfjorden for skule- og barnehageåret 2017-18 og tek meldinga til orientering.